

For di awe bo por pidi supsidio na Fondo BJP

Awe e ronda nobo di supsidio ta habri pa periodistanan i esnan ku ta krea produktonan periodístiko den parti karibense di Reino.

Den e último simannan, Joëlle Terburg i Wensly Francisco a hasi biahenan di trabou den e parti karibense di Reino. Na tur e islanan nan a topa ku periodista- i kreadónan di notisia hopi motivá i komprometí pa fortalésé i alsa e nivel di periodismo den nan komunitat. Pronto nos lo kompartí mas detaye di nan biahenan ku boso.

Pero pa awor... tin bon notisia: for di awe tin posibilidat pa pidi supsidio pa bo proyekto.

Bo tin un proyekto periodístiko den mente ku ta pidi mas tempu ku e siklo diario di notisia ta permití? Por ehèmpel, un investigashon, dokumental, podcast, serie di video òf un historia ku bo ke skirbi? Manda bo petishon na balor di:

- €7.350 si bo ta un periodista individual
- €14.700 si bo ta traha huntu ku dos òf mas periodista di e parti karibense di Reino

Fechanan importante:

- **11 di mei** – ronda di supsidio ta habri
- **14 di mei** – webinar (9:00 ora karibense)
Den e webinar akí nos ta duna mas informashon tokante e ronda di supsidio pa proyekto i tin oportunidat pa hasi pregunta. Registrá via e link akibou.
- **25 di mei** – seshon konsultativo online (9:00–11:00 ora karibense)
Bo por reservá un ora pa bo hasi bo pregunta spesífiko tokante e ronda di supsidio òf tokante bo proyekto na un di nos koleganan. Plania bo sita via e link aki bou.
- **15 di yüni** – último dia pa entregá bo petishon

Bo tin pregunta? Manda nos un email libremente na cariben@fondsbjp.nl òf manda nos un mensahe via WhatsApp riba +31 6 13466461.

Bo ke sa mas tokante e proyektonan ku a haña sosten den e promé ronda di supsidio pa islanan karibense? Wak e [vidio](#) akí kaminda Rajesh Chintaman (Sint-Maarten) ta konta tokante su proyekto.